





Редакторнал колонка **Хиджаб**

Хлакьинусса чъявуми жул-ва хъаннихъ цѳуххирча, «ина бусурмансса хъамитайпа бакъарав, бусурмансса янна циван къалаххара?», куну, миннал жаваб дулай: «му чара бакъа лаххан аьркинсарив, вайксса шиннардий на му къалаххайс-сияхха на укун аьдат хъуну бура, утти баххана хъун ттуца къахъунсар, на вайксса шиннардий къалахлайгу бивкѳун утти лахлай байбиширча, халкъуннал ци учинсар», ва цаймигу вайннухава лавхъхъусса багъантту буцлан бикѳай. Арулцаѳлла шинай коммуниз-малул ва атеизмалул ня къакъан даврил хласил хъанай дур му.

Хиджаб лархсса душ ялув къалакьни дирхъусса тѳахѳунттуха лахъхъин бан бучѳир: къалакьни дакъаму-нил вив думур гъарцаннан чѳалан дикѳайссар. Адам Идавсил ﷺ заманная байбихъу-ну хъаннил ва арамунал цал-ла аьврат кѳучѳи дан чара бакъа аьркинну бивкѳиссар.

Хиджаб къалаххаврил цалчинмур савав – ганил мяъна дурчѳлай дакъашиву. Мяъна дурчѳлай диркѳссания, цанма ччай, хушрай цалва цившпа Дуржагърал цѳаравун къабич-ланссия. Гивумур кѳиришиву хиджабравуняр цукссагу гужсса дикѳантѳиссар.

«Хиджаб къалаххарча-гу цичѳав бакъассар, так дакѳ марцѳсса дикѳан аьркинссар» – тѳиссагу чъявусса бикѳай. Амма чансса пикри бувсса чѳумал, цуппа ляхъан бувсса Заннал-Аллагъу Таабаланал амру биттур къабаймунил дакѳ марцѳну дикѳан цукун бюхъайссарив бувчѳин хъинну захѳматсса зад бур.

«Халкъуннава яла ххуйми – цив ххал хъукун, Аллагъ ﷻ дакѳнин агъаймири» – увкуну бур Идавсил ﷺ хладисраву. Бачѳиннуяр ххишала чурх тѳивтѳуну заназисса хъамитайпа ххал хъувкун ци дакѳнин дагъанссар?

Мубараксса барзру Ражаб, Шъябан ва Рамазан байбихъ-лай бур, вай зурдардий бувса хъинсса аьмаллах Аллагъу Таабаланал цамур чѳумалнияр хъунмасса чири булайссар, оьсса аьмаллахсса бунагъру-гу хъуни шайссар. Мунияту вай зурдардил хѳурматрахлуну оьмуния махъунмай хъуну, тѳайламунийн, марцѳмунийн кѳункѳу хъун хѳарачат бан аьркинсар. Аллагънал ﷻ кумаг баннав!

isaassalam@gmail.com

# Мизитирттал имамтурайнсса оьвчаву

Дагъусттаннал Бусурманнал Рувхѳанийсса Идаралул канонический отделедалул оьвчаву дуллай бур циняв мизитирттал имамтурайн нюжмар чакливу ва мукулма гъарца фаризасса чакливу «Магъдина» («Къунут») дукланшиврул, Аллагъу Таабаланал ﷻ цинявшагу бусурман, хаснува жул-ва Дагъусттан гъарца фитна-балардая ххассал баншиврул.

Гъарца фаризасса чакливу «Къунут» дуккин бучѳишиврул далилну (хѳуччану) хъанахъиссар машгъурсса аьлимтурал махъру. Муния чъявусса фикъгъилул элмулул луттирдаву чивчуну бур, масала, имам ан-Навил «аль-Мингъаж», Ибну Хѳажардул «Тухѳѳагуль-Мухѳтаж», ар-Рамалил «Нигъятуль-Мухѳтаж» ва мукулма аѳвахъул цаймигу луттирдаву. Ччи-манаша бюхъантѳиссар ми луттирдаву «Къунутрая» буслал-лисса бутѳлуву ххал бан укунсса чѳумал щак бакъа му дуккин бучѳишиву ва дурккуну хъиншиву. Цанасса чѳумал «Магъдина» яларай чирчусса куцѳуй, бала-апатѳирттая ххас-сал хъуншиврул дурккуну хъинссар.

Аллагънал ﷻ къамул даннав жула дуаьртту! Цинявша-гу бусурман, хаснува жулва Дагъусттан бала-мусибатирттая буруччиннав. Амин!



اللَّهُمَّ اهْدِنِي « اهْدِنَا » فِيمَنْ هَدَيْتَ ، وَعَافِنِي « عَافِنَا » فِيمَنْ عَافَيْتَ ، وَتَوَلَّنِي « تَوَلَّنَا » فِيمَنْ تَوَلَّيْتَ ، وَبَارِكْ لِي « لَنَا » فِيمَا أُعْطِيتَ ، وَقِنِي « قِنَا » بِرَحْمَتِكَ شَرًّا مَا قَضَيْتَ ، فَإِنَّكَ تَقْضِي وَلَا يُقْضَى عَلَيْكَ ، وَإِنَّهُ لَا يَدُلُّ مَنْ وَآلَيْتَ ، وَلَا يَعِزُّ مَنْ عَادَيْتَ ، تَبَارَكْتَ رَبَّنَا وَتَعَالَيْتَ ، فَلَكَ الْحَمْدُ عَلَى مَا قَضَيْتَ ، أَسْتَغْفِرُكَ وَأَتُوبُ « نَسْتَغْفِرُكَ وَنَتُوبُ » إِلَيْكَ اللَّهُمَّ كَفَّ عَنَّا شَرًّا مَنْ يُرِيدُ بِنَا سُوءًا فَإِنَّكَ أَشَدُّ بَأْسًا وَأَشَدُّ تَنْكِيلًا ، اللَّهُمَّ إِنَّا نَسْأَلُكَ الْإِسْتِقَامَةَ مَعَ التَّوْفِيقِ وَحُسْنَ الْخَاتِمَةِ ، اللَّهُمَّ اكْشِفْ عَنَّا مِنَ الْبَلَاءِ مَا لَا يَكْشِفُهُ غَيْرُكَ ، اللَّهُمَّ إِنَّا نَعُوذُ بِكَ مِنَ الْمَكْرِ وَالْإِسْتِدْرَاجِ مِنْ حَيْثُ لَا نَشْعُرُ فِي سَاعَةٍ مِنْ لَيْلٍ أَوْ نَهَارٍ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ احْفَظْ بِلَادَ الْمُسْلِمِينَ وَدَاغِصْتَانَ خَاصَّةً ، مِنْ جَمِيعِ الْمَصَائِبِ وَالْآفَاتِ وَالْبَلِيَّاتِ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ اضْرِبْ بَعْضَ الظَّالِمِينَ بِالظَّالِمِينَ وَآخِرِجْنَا مِنْ بَيْنِهِمْ سَالِمِينَ ، وَصَلَّى اللهُ تَعَالَى وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ ، رَبِّ « رَبَّنَا » اغْفِرْ وَارْحَمْ وَأَنْتَ خَيْرُ الرَّاحِمِينَ ، آمِينَ

## Махѳатталсса ишру...

Махѳатталсса иш бакъарив 50-къурушрал чагъар мизитраву къабитайний жунма га хъинну хъунману чѳалан бикѳайшиву, базаллуву маша буллагиллисса чѳумал чѳивину чѳалан бикѳайшиву...

Махѳатталсса иш бакъарив Къуръан буклай гъан дурсса сьят лахъину чѳалан дикѳайшиву, телевизорданух щѳивкѳун дурсса сьят янил ляпѳи учиннин лагайшиву...

Махѳатталсса иш бакъарив дуаь дуллаллисса чѳумал чѳа учинсса махъру лякъин хъанай къабикѳайшиву, амма гъалмахъунащал ихтилат буллагиллисса чѳумал пикривагу бан къабагъайшиву...

Махѳатталсса иш бакъарив футболданул матчраву чѳун лахъи дайхтту жува ххари шайшиву, амма мизитараву хутѳба лахъи лаглан бикѳайхтту цѳуру-кѳуру буллан бикѳайшиву...

Махѳатталсса иш бакъарив Къуранналул ца сура буккин

захѳмат шайсса чѳумал, хаварду чивчусса луттирал 100-хъул чѳапѳив бигъанна дуккайшиву...

Махѳатталсса иш бакъарив концертрай хъхъичѳи щѳабикѳан, мизитраву махъ щѳабикѳан хѳарачат буллан бикѳайшиву...

Махѳатталсса иш бакъарив Къуръанналул ца аят дакѳних лавхъхъуну цайминнахъ бусан захѳматну бунува, бигъанна вана-танал бувсѳсса хаварду дакѳний бивтун гъарцаннахъ буслан бикѳайшиву...

Махѳатталсса иш бакъарив жува щѳия-бунугу бавмунийн вих хъуну, Куръанналуву бумунийн щак тѳий бушиву...

Махѳатталсса иш бакъарив жува циняв Алъжаннавун бухан ччай бушиву, амма ссайнчѳав вих къавхъуну, пикри къабувну, цичѳав къаувкуну, цичѳав къабувну...

Махѳатталсса ишру бакъарив?..

**Учредитель**  
Благотворительный фонд «Путь».  
Газета печатается по согласованию и одобрению  
Духовного управления  
мусульман Дагестана

**Редакционный совет**  
Председатель редакционного совета  
муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ

**Главный редактор**  
Патимат ГАМЗАТОВА

**Редактор**  
Иса ОМАРОВ

**Канонический редактор**  
Сайфулла МАГОМЕДАЛИЕВ

**Ответственный секретарь**  
Ахмад МАГОМЕДОВ

**Менеджер**  
Абдусабир АХМЕДОВ

**Дизайн, вёрстка**  
Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации  
ПИ № ФС 77-37006 от 29 июля 2009 г.  
При перепечатке ссылка обязательна.  
Набрано и сверстано на компьютерной базе газеты «Ассалам».

Отпечатано в ООО «Дом печати»  
по адресу: пр-т Акушинского, 20  
Заказ № \_\_\_\_\_

**Тираж 3. 400 экз.**

Сдано в печать 15 июня 2010 г.  
**Индекс 51388**  
**Адрес редакции**  
367015, РД, г. Махачкала,  
ул. Азиза Алиева 2.  
Тел.: (8722) 61-00-64.

По вопросам подписки и доставки обращаться по телефонам:  
по Республике Дагестан – 8-988-699-28-24  
по г. Махачкале – (8722) 914-222.

**E-mail:** assalamlak@mail.ru;  
**www.assalam.ru**



# Жагьилтал тарбия буллай

Гьарца шяраву биклайссар члаххувран, шяравуминнан бусравсса, жагьилтурал эбрат ласайсса инсантал. Цусса Лакрал шяраву мукунсса инсантуравасса ца хъанай ур Айданов Нурмухаммад. Щалагу Цусса Лакрал районналий Нурмухаммад къаклулсса инсан нажагьгу акъахьунссар. Уттигъанну жул корреспондент ванащал хъуна авкъунни.

– Нурмухаммад Муртузалиевич, буси виятува.

– На увссара Лакрал раонналийсса Кьурхъиял шяраву. Тул бутта армиялин лавгун, гичча зана къавхьуссар. 1944-ку шинал жу цусса миналин бизан бувсса чумал, жун шикку цичлав ххуйсса къаккавккуна, ккашилну, бяхълай буссияв. Колхозниктал цала карунних гъай тий бивкиссар. Чани щяв дагъайхтту байбихъуну, цан лакъиннин зун биклайссияв. Даврин неххал тий чулин ва махъунмай шаппайгу бахътта бучлайссияв. На школалийн дуклан ца шинал махъ лавгссара, лаххансса усру, янна дакъатгий. Мукун захматсса замана бия га. Арулва класс бувкуну махъ колхозрай зий айивхьуссара. Яла колхозраву чйрусса давурттугу даххана дурну на лавгссияв Шурагьсса Сельхозтехникумраву дуклан. Мунир махъ сельхозтехникалий жура-журасса давурттай зий уссияв. Яла туйн овькуна Цусса Лакрал шяраву Казбековлул цанийсса колхозрал бакчишиву дан. Мува чумал на дуклаки оьрчру боксрал тарбия буллан айивхьуссияв. Хакъинусса кьинигу на мура санятраха зий ура.

– Вил пикрилий хакъсса бусурманчу цукунсса иклан аьркини?

– Тухъ цухирча, адимина хъинну дурккуса, ларайсса килушивуртту ларсса акъахьурчагу, цалчинва-цалчин му иклан аьркини цакъсса чурх бусса, хурмат-адав дан килулсса, дакниву Иман дусса. Цанчирча, адиминан оьрмулуну чйрусса захматшивурттащал хъунаакъин багъайнутгий. Иш багъсса чумал цува, цалва кулпат, ватан дуруччин аьркинутгий. Му гьарца бусурманчунал бурж хъанай бур. Тулва ученикталгу на мудан мукунсса тагбарданий тарбия бувара.

– Буси инава динналуцан увкисса куц.

– Тул ниттил гьарца чумал чак байва, Кьуръан буккайва, царагу зумагу лях къакбаритайва. Ганил тухьгу мудан учайссия «Ачу винна дин-чак дан лахъхь лахъхь, вин му аьркин хъунтиссар. Оьрмулуну цамур цичлав дакъахьурчагу, дин чара бакъа диклан аьркинссар», – куну. На ттушцава шайкун хларачат байссия. Га чумал Цусса Лакрал шяраву шама-мукъа къужа акъасса, дин дайсса цуцлав акъая. Мунир ту на колхозрал чулуха мадрасалуву дуклан жула шяравасса оьрч гьан увсия. Мунир махъ чан-чанну навагу луттирду ккалай, дин лахълай айивхъура.

– Хакъину динналул цания халкъ литлатиминнан цукунсса кьимат бищун бюхъанссар?

– Царагу динналулу бакъассар инсантал литлан, пьак учин буллан аьркинссар тий. Шагидтал учайссагу Исламрал кьимат гъаз буллай, цалла ватан дуручлай литлатиминнайни. Мий вацраву лабивкун цичлав аьй дакъасса халкъ литлатими, пьак учин буллалими байкъусса инсанталли. Цанасса чумал ччимур дахлай дур, машан ласун къашайсса задру чансса лирчун дур. Жагьилтуран зунсса клантурду бакъанутгий, ми



Аль-Акъса мизитрал чарав. Иерусалим

тйла бакъасса чулинмай кйура баллай бур. Миннавух цивппа мйжаннугу ци дуллаи буссарив къаклулссагу бухьунссар. Жулла динналуву увкуну бур: «Винма ххуй къабизаймур цаманангу мабаванна». 2006-ку шинал на Иерусалимрай уссияв. Гикку на жула Мухаммад Идавс мйражрайн гъаз хьусса мизитаравун лавгссияв. Га мизитравун увхсса чумал ттун нава гьаваллавух нанисса ххива, мукун гужсса асар бивуна. Чак бувну махъ гивусса бусурман цана цалчин ххал хьусса ттуйн хъямала багълай бия. На хъхьичунай къуч уллай иманнал чарав ттун клану буллуна. Мукун хурматрай бия гай цацлана увкисса инсаннайн. Гай бусурманнал цашиву къанкъасса душиву чалай дия.

Ялагу ттунма гикку хисав хьусса зад – гайннал хлаталивсса кйлабарзру бия укунмасса чарттая бувсса, 70-80 см лахъшиврийсса. Цавагу мрамордания бувсса кйлабарзгу га хлаталив ттун къаххалхъунни. Жулва инсантталлив биклай чара бакъа хъунмасса, мрамордания бувсса чару бищун хларачат буллай, вана на ттула бутан укунсса чару бищав, вайксса чйрусса арцу харж дав, тий, пахру-ххара буллан шиврул. Мунир ивкйуманан цичлав мюнпат къабияйссар. Ми чарттах дулайсса ттуршазардахьул кьурушру мискинтуран дуллуну, ягу шяравун щин дурцуну, ххулу бакъин бувну, мизитрал аьркиншивурттайн, мадра-

салуву дуклакисса оьрчан дуллуну диркиссания, ягу хлаталу дакьин дан харж дурну диркиссания муна цанмагу чир хъунссия, гьаттавуманангу бигъашиву дикланссия. Ялагу, бивклу хьусса чумал, къатлул залуннал цацанма жижара бан бувкисса инсантал хъуна бакъинсса чун къадиклай. Га дукрарду дуллаи, лечлай занай ур базаллавух, халкъуннал махъ къаучиншиврул нигъа увсун. Му тйларив? Ялагу мйкурду, мукъцаллу, шинну дуллан биклай, му жулла динналуву бакъасса задри.

– Ина жагьилтуращал, дуклаки оьрчащал зузисса инсан ура. Хакъинусса жулва жагьилтал цукунсса бур?

– Ттуца шанма группа буссар, цинугу ххюцалуннийн бивсса оьрчру. На миннахъ хъхьичва-хъхьичи учайсса зад – оьрчал цалва нитти-буттах вичи дихълан аьркиншиву, му Шариаьтрайн кьаршисса бакъахьурча. Жагьилтал цана динналул чулухунмай клунку тий бур. Жул шяравагу шама-мукъа оьрчи Исламрал Университетравун дуклан бувххунни. Мунир хъуннасса ххаришиву дур. На ттула арсгу Махачкъалаливсса Исламрал университетравун дуклан гьан ав. ИншаАллагь уттигу цаймигу бухханссар. Жулва лакраву ва щалвагу Дагьустаннай динналул, Исламрал кьимат-даража Аллагьнал лавай баннав. Амин!

Мухаммад  
Хажиев

Ссиркалул  
мюнпат

Мухаммад Идавсил хладисраву увкуну бур: «Ссирка (уксуе) дусса къатлувун къанатшиву къадуххантиссар». Машгьурсса бусурманнал аьлимчув профессор Мухаммад Сабирдул чйвусса хладисирттал хйрив лаяву дурну дур. Га чичлай ур: «Тулва уссурварача хъамалу усса чумал, ттун хисав хъуна гай дяркъу щуну къашай хъуну бушиву. На гайннахъ увкуссия: «Гьивчул ссирка хачлайсса диркиссания, зу бьявкъукун къашай къахъунтиссияв» – куну. Му иширая махъ ца шин ларгукун, гай ттухъва барчаллагь тун биклаврий на махлаттал хъура. Тул насихлатрайну гай ссирка хачлай байбихъуну бия, ва гания махъ цалвагу дякьил къашай хъуну бакъая». Ялагу цаппара ттул гьалмахтуран хисав хъуну бия, гьарца кьини ссирка хачлаврил цалла ттурчардил базурдавусса цуцлаву хъин дуршиву. Ца чумал гайннавасса ца сапарданийсса чумал кйива гьантлий ссирка къахарчлукун, гай цуцлавуртту цунилгу зана хъуну дия».

Американал дурккучув, профессор Джервислул чйрусса шинну дурссар ссиркалул инсаннайн цукунсса асар биян буллай бурув килу бансса хьиривлявуртту дуллаи. Ванал тимунин бувну, кьинилун гьивчул ссиркалул ца чйлул къуса ва ца ницал къуса щинавух хлала дурну хачлаву инсаннан хъинну хъинссар тар.

Профессор Джервис цалва луттираву чичлай ур: «Ца чумал ттуцан увкунуна ттурчардил цуцлаврил увгьусса, гужрай сукку хъанакъисса инсан. На ганан даруну чивчуссия гьарца кьини ца чйлул къуса ссиркалул ва ца чйлул къуса ницал щинавух хлала дурну, дукра дукайни хачлаван. Цалчинмур кьини ганал цуцлаву 20%-рал чан хъуна, килчнмур кьини – 40%-рал. Ахирданийгу, ацва гьантулва га хъин хъуна».

Цамур задра дурмунир, гьивчуя дурсса ссиркалул, чйруми къюклил къашайшивурттал сававну хъанакъисса холестерин чан байссар. Джервислул ялагу чйрусса гьивчул ссиркалул мюнпатирттая чивчуну бур. Миннавасса ца – заралсса бактериярду литун баву. Профессорнал тимунин бувну, ссиркалул ххюра минутрал даянв цинав бактериярду бухлаган байсса бур. Цалва махьру тастикь баншиврул га цащалва хьусса ца иширая буслай ур. «Ца чумал аьрххийлий ттун ва ттул гьалмахчунан акттайнссаннун лахь лавгсса балугь буллуна. Гикку цамур дукра дакъанутгий, жун га балугь букан багъуна. На га бувкуну, ялун щинавух ссиркалул ца къуса хлала дурну хларчиссия. Тул гьалмахчуналлив къачча куну, къахарчлуна. Дачи ссят къаларгун ттул гьалмахчу лякьа цун диркун азарханалувун агъуна. Ттун цукунчавсса зарал къавхъуна».



# Фатима ва битликъукьу

Марьям Амирханова

Фатима бия битликъукьулин къун бичлай. Циксса бичларчагу, битликъукьу къунналува ялун дуккайва, къунналул лув личлан ганин цукунчлав чай бакъая. «Ванил гужшиву» –

члумал ганил клисса гужсса цуцлаврил бувгьуна. «Ай!!!» – вев увкуна Фатимал. Ганил клисса хьинну ций бия. Цилва тлуркьугу къабивтун га левчунма шаппай лавгуна. Къатлул нузах авцусса чивисса Рамазан махлатталну, цивхьуссарив къабувчллай цалва ссийх

зангу къаивкьуна.

– Утти буси винна найрал дачлу ританшиврул ци дуллай буссияв? – цувххуна ниттил.

– Цичлав, – увкуна душнил.

– На битликъукьущал къунналий тлуркьу буллай буссияв, цакуну чарив къаклулну най бувкун ттуйн дачлу риртунни.

– Ина битликъукьущал тлуркьу буллай цукун буссияв? – махлаттал хьуна нину. – Гайннул бялахълансса члун къадиклайссарха, гай къинибархан зийри биклайсса.

– На ганийн къун бичлай буссияв, гарив гайннула буккан хларачат буллай бия – бувчин бувна Фатимал.

– Мукун тлуркьу бан вин ганил лахъхьин буврив? – цувххуна ниттил.

– Ганил цукун лахъхьин бантиссар, ганинния маз къаклулли – хъян бивкьуна Фатима.

– Гайннун гьалгьа тлун клулссар, амма жунма гайннул маз къабувчллайссар, – увкуна ниттил. – Вин тлуркьуну чларарчагу, ганин цилва ялун къун бичаву ччиссарив? Вилва бакрайн шил бунугу къун бичларча вин цукун бикланссия?

Укунсса суалланухъхьун жаваб дулун Фатима хладурну бакъая. Га чансса гьанавиххигума хьуна. Бакьу хъхьичлун дуртун, учинмур бакъа бавцуну бия. Ганин

пикри хьуна битликъукьучлан лавгун багьшла бити учин.

– Муниатури Аллагьнал ттул канийн найлул дачлу ритан дурсса? – цувххуна Фатимал.

– Муниату биклангу бюхъайссар, – увкуна ниттил. – Амма вин клулну биклан аьркинссар, Аллагьнал найрду дачлу ритланшиврул ляхъан къабувшиву. Найрдалгу цалла даву дуссар. Гайннул ницл дайссар.

– Бучиссарив ттун лавгун га битликъукьухъ багьшла бити учин? – цувххуна душнил.

– Хьинну бучиссар! Вищала Рамазангу уца, битликъукьери зузисса куц ванангу ккакканшиврул, –

ряза хьуна нину.

Фатиман къунналул баклуь га битликъукьу къалъкьуна. «Ливхъунни» – къума хьуна душ. Амма чларавсса урттуву ганин тиху-шихунмай заназисса битликъукьрал къюкьа ккарккуна. Гай бацлаву дакъа зий бия. Гайннул ялун къусгу бивкун Фатимал увкуна:

– Га битликъукьухъ бусияра на багьшла бити тий бушиву. На ххишала ганийн къун къабичинна!

Чивисса Рамазангу ия чларав авцуну цалва мазрай «бу-бу» тий. Ганаца уттигу тлайлану гьалгьа тлун къашайва, амма битликъукьран къаччан биклан бан къабучишиву клулну бия.



тлисса пикри хьуна Фатимал. «Битликъукьул уттигу цукунсса захлатшиву духлайрив ххал дан хьинавав?» тлисса пикри бувххуна ганил бакравун. Му ссят ганил вичилух гьавгьав тлисса члу бавуна. Чларах най лехлай бия. Душнил кару галай дуллай га ляхъан бан хларачат буллай бия. Му

урувгун ия. Яла гагу аьтлий айивхьуна. Ялун бувкьсса ниттин пурш лавхьсса Фатимал клисса ккаккукун гацлана хьумур бувчлуна. Ганил анаварну найрал дачлугу клиссурава дурккун, ганий миклрал касак бивхьуна. Фатимал клисса хьин хъанан байбивхьуна. Аьтлий ивкьсса Рама-



## Ккурчла

Хучбар, Махлач ва Дахлада

**Махлач:** Ас-саламу аьлайкум, гьалмахтал!

**Хучбар:** Вааьлайкум ас-салам!

**Дахлада:** Вааьлайкум ас-салам!

**Махлач:** Хучбар, ина вай гьантрай члалайвагу акъарахха, чун акъа хьуну ура? Ина къашавай хьунувагу акъарвав тий уссиявхха.

**Хучбар:** Къашай хьуну ура учингу бучлир, Интернетрал цуцлаву дирну.

**Дахлада:** Вагь! Ургу ванах! Лахъхьу жулва инсантуран телефон цукун зузи дайссарив къаклулссия. Утти ххал а ци тий урив? – Интернет! Чари вин му Интернет. Телефонналий титларав? Ттунгу душнил ккаккан бувна мивун уххайсса куц, амма ттун цичлав къабувчлунни. Ттул аькьулун му захлатсса зад дур.

**Хучбар:** Ттунгу хъхьичьсса ппурттуву захлатну бия. Яла цал-кьил уххайхтгу цичлав захлатсса бакъашиву бувчлунни.

**Махлач:** Му бикланссарча, ина буси вилва дулал хъама битан бансса ци лъавкьуссарив Интернетраву?

**Хучбар:** Гивун увхьсса члумал члун лерххун дачай. Интернетраву хьинну члывусса чивчуну бур Исламрая, гай

ккалай хъхьу-къини хъама дитай. Динналия бусласисса видеороликругума ххал дан шай [www.islamdag.ru](http://www.islamdag.ru), [www.tvchirkey.ru](http://www.tvchirkey.ru) сайтирдаун увххун. Амма му бакъассагу, Интернетраву чапалшивугу диялсса дур. Ттунма яла ххуй къабивсса зад, гиву бур инсантал, хьунисса аьлимтурайн, устазурайн ци-ци бунугу аьркин бакъасса махъру тий, аьйрду ришлассисса. Аллагьная ттунга къабусайривав?

**Махлач:** Вагь, му цукунни?

**Хучбар:** Вана укун, гайннахъ цлуххирча, тарикьатрал вирд ласун къабучиссар тар, устазначлан лагаву ширкри тар.

**Дахлада:** Арши бакьулт! Иблисул хьирив най ци дуллай бури ххал ба! Ссайнни ми ширк тлисса? Халкъуннан ихлас (дак! тлайлашиву) лахъхьин бавриннив? Даклнихтуну Аллагьнаха эбадат давриннив? Масалларан жува хъхьичьла ци дуллай биклайссияв? Ккурчлавгу щябивкун ссанчлав бакъасса бачлвасса хаварду буслай. Мюнпат бакъа циксса члун харж дувайссия? Аллагьнал багьшла битаннав! Тавба давричлан жува ссал бувцуру?

**Хучбар:** Ацлния ххюра шинал хъхьичьл устазначлату вирд лавсун махъ, щия бунугу гьалгьа тлун ча иклава, ттулла щарссания хьярч бангума нигъа увсун ура на.

**Махлач:** Вабабай, вил щарсса цуксса ххарину духьунссар!

**Дахлада:** Ина хьярчирахун бихьлай диван ура? Кьюрххил вирд ккалай тавба дуллалисса члумал, жува гьарца бунагь ва Аллагь рязи акъасса ттул даклин дутару. Яла ахтакуннай хьиривмур вирд дуккиннин къюкьл зурзу тлун диклай цакуну бунагь личин бюхъайхха тлисса пикрилул.

**Хучбар:** На вищал рязира. Цакуну цаманайн къутинсса махъ учавунияр обккисса ци диклан бюхъайссар. Га инсаннал багьшла къаивтссаксса, Аллагьгу жуйна сситтуй иклан бюхъайссар.

**Дахлада:** Мукунсса инсатурай ялагу ширк ялув бихьлай бур! Арши бакьулт!

**Махлач:** Ттул куяв устазначлан лавгун вирд лавсукун хлан хлачлаву къадиртунни. Утти Шариаьтрал ккаккан бувсса куццуй цалва оьрчлур-кулпатраху уруглай ур. Цавагу чакгу къакъабитай,

зумардугу циняр дугъай.

**Хучбар:** Ттун чивинийва бавссия ттула буттал буттая устазтал ва тарикьат дакъассания, Дагьустаннайгу Ислам духлаган дантиссия, цайми кланттаву кунна, тий. Аллагьнайн шукуру, тарикьатрал жучлара марцисса, Идавсил заманнаву куннасса дин дурурчунни.

**Махлач:** Цана жулва халкъуннаву динналухун къадаркъусса аьдатругу дур, амма мигу духлаган дан хьунтиссар инсантурал Иман цлак хъанахьиссаксса.

**Дахлада:** Тарикьат – Аллагьнаха эбадат даву камил шаврил ххуллур. Ахлмакъманал бакъа муни инкар къабантиссар.

**Махлач:** Хучбар, къачча ттун вил Интернетравух ухлан.

**Хучбар:** На ххуйсса сайтиравун акъа къауххара. Вайми укунна, лях-карах дирияй. Тлайламур личи дан шайхха ттуца.

**Махлач:** Мукун бухьурча, гьунттин хладур хьу жулва билатрайсса бусурманная бусан...

**Ихтилат чивчуссар**  
**Хлусман Халиловлул**



# Шяъван барз

Шяъван барз хъинну ххирасса, даража хъунмасса барзри. Муниву ца кьини зума дургьуну цума ухьурчагу, мунал чурх царан хларам байссар. Алжаннаву Юсуп идавсил ﷺ гьалмахчунугу иклайссар. Ажуб идавсин ﷺ ва Давуд идавсинуксса ﷺ чиригу булайссар. Гьаттал цаншивугу яла гьан дайссар. Мункар-Накирнал ццахханна-раятугу ххассал шайссар. Къямасса Кьини мунал авьратгу члалан къадиклайсайр. Му зурул, хъхьичра-хъхьичсса цузурул хъхъуну, ацния кира ракааьт суннат-чаклил дарча, альхам бувккуну махъ гьарца ракааьтраву ххю-ххюва къулгъугу буклай, ацния киазара шагьиднануксса чире буссар, ацния кира шинай эбадат дурсаксса чиригу чичайссар, ниттил лякълул увсса кьини куна бунагърая марцл шайссар. Муния тихунмай майцлалва гьантлий мунал хатлагу къачичайссар.

## Бараатрал хъхъунил ххирашиву

Шяъван зурул ацния шамулку хъхъуну, Жабраил малаик ливкссар Мухаммадлудчлан ﷺ, Аллагьнал ﷻ амрулийну, шанутугу изан увну: «Гьархъхъуну ххирасса хъхур, вилва мурад чла уча Аллагьнахъ ﷻ», увкусар. Яла Мухаммад ﷺ ивзун дуаь дурссар, умматиннал аьпа ба куну. Яла Аллагь Тааланал Жабраил гьан увссар, «Вил умматиннал шанма бутлул ца бутла вин укв буллуссар», – куну. Мухаммад ﷺ аьтлун ивкссар, – «Махъминнан ци бувссар» тий. Мунил хъиривмур ацния мукьилчинмур хъхъунугу ливккун Жабраиллуд ( ) увкуссар Идавсикъ ﷻ, – «Гьархъхъунугу ххирасса хъхур дуаьлухъхъун, жаваб дулайсса. Ивзун вилва мурад чла уча Аллагьнахъ ﷻ», – куну. Ивзун Мухаммад ﷺ дуаь дурну, му хъхъунугу цалва уммат чла куссар. Ялагу ливккун Жабраиллуд, – «Вилва умматиннал шанма бутлул кива вин укв буллуссар тий ур вилва Аллагъ ﷻ», – куссар. Мухаммад ﷺ ялагу аьтлун ивкссар, махъминнан цивхъуссар тий. Мунил хъиривмур ацния ххюкусса Бараатрал хъхъунугу Жабраил ливккун: «Я Мухаммад ﷻ, ва ххирасса хъхури, вилва мурад чла уча», куссар. Яла увкусар: «Я Мухаммад ﷻ, ххаришиву, вилва циняв уммат винма укв буллунни Аллагьнал ﷻ, цайн ширк бивхъума акъасса», куну. Яла Мухаммад ﷻ ссавруннайн урувгун, арулвагу ссавруннайса циняв малаиктал суждалийн багъну ххал хъуссар, Мухаммадлуд ﷻ умматиннал аьпа ба тий. Гьарца арулвагу хулийгу малаиктал ккавкссар, гьархъхъуну эбадат дурманансса хъинбаларду бувманансса даражарду, чирирду тий оьвтгий. Яла Идавсугу ﷻ ххари хъуну, мунир махъ гьарца шинал му хъху уттара дулла ивкссар.

## Бараатрал хъхъуну дуван хъинмур

Му хъхъуну гьарца ссавнил хъу-

лурду титтайссар. Шантуршва рахматрал хъулу титтайссар. Алжанну чюлу байссар. Малаиктурал байранни. Му хъхъуну Аллагь Тааьла халкъуннайн аьлтту увккун, сси бизаврил, гуж баврил сипатрая, рязий шаврил, рахму баврил сипатрайн аххана хъуну халкъуннай рахму бувну, рахлат бувну, цинявннал аьпа байссар. Цайнма ширк бивхъуманалгу, ссикхир байманалгу, чяхир хлачайманалгу, зунарахун агьманалгу, нитти-буттан аькьуба дулайманалгу, риба ласайманалгу, ламмамшиву дайманалгу, силатул рахму (мачча-гьанминнащал дакъаву) бакъманалгу бакъасса. Минналсарив, тавба къадурну аьпа къабайссар. Му хъхъуну, гьарцаннал му шинаву бувсса аьмал ссаврунайн лахъайссар. Гьарцаннал ризкъи, ажаллу къадар байссар. Заннан ﷻ ччан бивкманалсса кунналсса ажаллу махъун бувтун, кунналсса хъхьичлун буккан бувну наху байссар. Му хъхъугу уттара дурну, му кьинигу зума дугъаврил даража хъунмассар, хлатта, му кьини гьарца жиндардил, лелуххалтрал, урттилсриннул, хъхьиривусса хаврал зума дугъайссар.

Му хъхъуну ацния кира ракааьт чаклил дарча, гьарца ракааьтрай аьхлам бувккуну махъ ацния цалва къулгъугу буклай, мунал гьарца оьшивугу яла гьан дайссар, оьрмугу зияда байссар. Ялагу му хъхъуну бан хъинсса зад – ца мажлисрай ця бивкун шамийлва «Ясин» буккинссар. Му бувккутари, мунил хъирив алхангу бувккуну, ссавлатту дургун, «Илагь биттажаллил аьзами...» тисса, му хъхъуну дуккайсса дуаьгу дуккинссар. Му хъхъуну шам шамийлва ми бувккуну, шамилла му дуаьгу дуккинссар. Хъхьичва – хъхьич ми буккайний дин – тааьт дайсса оьмру зияда баннав куну, нийят данссар. Килчин буккайний, ризкъи гьарта баннав куну данссар. Шамилчин буккайний, къаччисса зад арх баннав, инсантурайн хлажат къааннав куну данссар. Мий буккайний гьарца члумал цалла дуаьлухъхъун жаваб дулунссар тисса заннугу (дакI дацлаву) зияда банссар.

## Бараатрал хъхъуну Ясинналул хъирив дуккайсса дуаь Бисмиллагь-р-рахмани-р-рахим

Аллагъумма я заль-манни ва ля юманну аьлайгы, я заль-жалали валь-икрами, я за-тIтавли валь-иньбами ля илагъа илля анта загъра-лажжина ва жарал мустажиринна ва аманаль-хаифина. Аллагъумма ин кунта катаптани эндака фи уммил-китаби шакъийян, ав махлурман, ав матIрудан, ав муктарран аьлайя фи-р-ризкъи фамхлу Аллагъумма бифадзлика шакъаватий, ва хирманий, ва тардий, ва икътара ризкъий, ва асбитний эндака фи уммил-китаби саздан, марзукъан, муваффакъан лилхайрати, фаиннака къулта ва къавлукаль-хлакгу фи китабикаль-мунзали аьла лисани набийикаль мурсали: «ЯмхлуЛлагъу ма яшау, ва юсбиту, ва эндагъу уммуль-китаб(и)». Илагъий биттажаллийль аьзами фи лайлати-ннисфи мин шаъбаниль-мукаррами ллатий юфракъу фиъа куллу амрин хлаким, ва юбраму ан такшифа аьнни миналь-балаи ма аьламу, ва ма ла аьламу, ва ма анта бигъи аьламу, иннака анталь-аьззуль-акраму.

Ва саллаЛагу аьла саййидина Мухаммадин ва алигы ва сахIбигьи ва саллам.

# Гъази аль-Хусайнинал «МатIалиоьл жумгъур»

(дайдихъу хъхьичлми номердай)

Адам ﷺ ивкуну махъ Шис ﷺ мукьцлалла шинаву ивкун ур. Адамлул ﷺ ганан булуну бур Табутту, супрагу, Алжаннавагу цанма буллусса Маймун тисса чугу. Ганил хлхлу куну, лухччинийсса циняв гьаттарал тасбихI дайсса диркун дур. Ганахъ васиятту бувну бур цала уссищал Къабиллуцал дяъви бува куну. Яла Шис ﷺ увккун ур Къабиллуцал дяъви бан, ганашал дяъви бувну бур. Хъхьичра-хъхьич лухччиний хъусса талатавугу му диркссар. Му талатавругу Шис ﷺ ххув хъуну, Къабил увгъуну урча. Ганал Шислухъ ﷺ увкуну бур: «Жулла даянвивсса гьаншиву дуручча ина» – куну. Шислугу ﷺ: «Ина цан къадурчав му гьаншиву? Вила уссу цан ивчIав?» – куну бур. Яла Шислул ﷺ га увцуну, каругу дарвачрахун дархлуну,

ганал ялув ца шяйтIангу бивтун бур. Му куцдуй хъунмасса хлаллай Къабиллул сужда буллаи ливчлун бур ми халкъ. Хлавагу Адамлуар ﷺ махъ ца шин хъукун диркуну дур нюжмар кьини, цурда ляъхан дурсса сьятраву. Адамлул ﷺ чларав гагу дурччуссар тисса учала бур. Яла Аллагьнал ﷻ Шислул ﷺ ххюцлалва сахIифат (ула) ликкан бувну бур. Му Шисгу ﷺ хъхьичва-хъхьичI хикматрайн гьалгъа бувмари, хъхьичва-хъхьичI арчумусину муаьмалаттури. Хъхьичва-хъхьичI машахана буккан бувмари, цинцил дачлу дирхъумари, лухччинувату мяъдан букан бувмари.

## Шислул ﷺ арс Ануш ﷺ

Шислул ﷺ Ануш ﷺ тисса арс увну, Шислул ﷺ ненттабакIравсса Мухаммад Идавсил ﷻ нургу ганал

Посланин Алаха (аьпа ему) сказал: ...Все Пророки братья... Исламия у них одна...

Значение символов:  
1. Родные сновья  
2. От предка к потомку  
3. Порядок послания Пророков по времени

Значение символов:  
1. Пророки уаул-азми  
2. Имена Пророков  
3. От отца к сыну

Остальные Пророки (мир им)																									
1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	Пророки
Адам (Еврей)	Хав	Савт	Лут (Еврей)	Нохман (Еврей)	Ибраим (Еврей)	Исаак (Еврей)	Яков (Еврей)	Юсуф (Еврей)	Моисей (Еврей)	Шайб (Еврей)	Ай (Еврей)	Зур-абд (Еврей)	Харун (Еврей)	Зейд (Еврей)	Умар (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)	Ибраим (Еврей)
178	82	190	38	172	121	175	140	180	1	82	75	122	70	83	3	3	3	3	3	3	3	3	3	3	Ибраим (Еврей)

кIирисса бургьилун увтун ивчIаннин гикку ивтун ур. Яла Шис ﷺ зана ивкун, Гьиндуллаву лавгун ур халкъуннал даянив хлакьмунийну диван буллан.

Къабиллул оьрчIал га уччин къаст дурукун, малаикнал суратрай иблис бувкун, кIайннахъ увкуну бур: «Зу ва мауччари» – куну. Яла кIива мурулда-нул чару лавсун бувкун вивату хав бувну, Къабил гиву ишара куну бур. Ганай ххуйсса яннагу лаххан дурну, чурххайхгу къакъан къаитайсса дару бувгъун, ца къатлуву тахтлий ишин увну урча, гьарца ганачIан увхманахъ ганайн шан-шамма суждагу буллали бувну бур. Шинай цал эд (байран) дан ганачIангу батIияра куну бур. Яла

ненттабакIравун накьлу хъуну дур. Шислул ﷺ цала ажал гьан хъушиву кIул хъуну бурча, Адамлул ﷺ чларардах урувгун ур. УрчIтуршра шин оьрмугу бивкун бур.

Шис ﷺ ивккун, ганал кIанай халифа цала арс Ануш ﷺ хъуну ур. Гай Табутту, супрагу, сукхуфругу, кIиссагу ганал канил бувгъуну бур. Гагу хъинсса, тIайласса сиратрай авцлуну ур, тIайласса хлукму буллан ивкун ур. Анушлул ﷺ ца шарссагу дурцуну дур. Га шарссанил оьрчI увкун, идавсил нур ганал лажин-дараву хъуну дур. Ганан цIагу Къайнан дирзун дур. Ганахъ цалва васиятту бувну, гьарцазад ганайн тапшур дурну, цала хъиривсса халифа га увну ур. (гихунмайгу буссар)



Камал Сагидов

Ахиратрал талих

## Тавба даврил баян

**Заннал ляхъан увсса инсан бунагь-равун къаагъайсса, муния марцъсса къаиклайссар цучъав, Идавстал бакъасса.**

Исламрал динналул ккаккан бувмур биттур буллалисса инсаннал цува дунияллул ва Ахиратрал талихИрайн тIайла уллалиссар. Динналуву ккаккан бувну бур инсан цалва оьрмулуву хъуна акъин бюхъайсса гьарца ишираву ци бан аьркинс-сарив.

МухIаммад Идавсил ﷺ увкуссар: «**Нину-ппу рязи байманан Алжаннул къапурду тIитIайссар**», – куну.

Кьуръанналуву чIявусса аятру буссар нити-буттаха хIурмат бан аьркиншиву бусласисса. Гайннаха аякъа дайма ва гай рязи бувма Алжаннавунгу уххантIиссар, дунияллийсса оьрмулахъи хъунтIиссар, ризкъигу чIяву хъунтIиссар. Цалва ниттиха ва буттаха аякъа дайсса оьрчIан гьарца шаттираву Аллагьу Тааьланал кумаг байссар, гай марцъсса, тIайласса ххуллийн тIайла байссар, оьрмулу-вусса захIматшивурттугу бигъа дайссар. Нину ва ппу рязи бавриву дуссар Аллагу Тааьланал рязи-шиву.

ОьрчIал цалва нити-буттал хъхъичIсса буржну хъанахъиссар:

- Гайннал буюр бувсса гьарца зад биттур баву, Шариаьтрайн бувну бан бучIисса бухурча;
- Мудан гай рязи бан хIарачат баву;
- Гай бувххукун лавай изаву;
- Нанисса чIумал гайннаяр хъхъичI къаачаву;
- Гайннал чIарав чIу лахъ къабаву;
- Гайнная ихтияр къаларсун сапарданийн къауккаву;
- СсавучIав гайннай аьй къадаву;
- Гайннах эц ивкIун къаургаву;
- Гай ливтIукун, гайннал гьаттардийн зияратрайн занай гайннаха ххуйсса дуаь дуллалаву;
- Гайннаха садакъа баву;
- Гайннал хIурмат байсса, гайннан ххирасса инсантураха хIурмат-аякъа даву;

Ца инсаннал ХIасан аль-Басринахъ цIувххуссар, нитти-буттаха хIурмат баврия. Ганал увкуссар: «Ниттиха ва буттаха хIурмат баву цири чирча, му хъанахъ-иссар вичIара дусса хъус гайннал цIаний сахаватну харж даву ва гайннал буюр бувмур биттур баву, Аллагьнал ﷻ буюр був-мунин къаршисса бакъа-хъурча».

Бунагьрая марцI шаврин сававгу дакъ-ассар, марцъсса тавба дарча дакъа. Му тавбагу кIира куццуйсса дуссар. Ца аьвматурал тавба – жагьилсса, дукъарккусса инсантурал тавба кунна, цагу хавастурал тавба – Идавстурал, валийтурал, аьлимтурал, аьбидтурал тавба кунна. Аьвматурал тавбагу мури, цалла дурсса аьсившивурт-тая пашман хъуну, ми къариртун, Аллагь-найн ﷻ мюгIи шаврин кIура аяву. Оьккисса, къюркъюсса, лайкъ дакъасса тIуллаяту, ххуйсса, Аллагь ﷻ рязийсса тIуллайн, тIабиаьтирттайн кIура аяву, Дуржагьраяту Алжаннуйн кIура аяву, чурххан ччимур, щайтIаннул тIимур баврияту, миннун къаччимунийн кIура аяву. Хавастурал тавба тIурча, кIа аьвматурал тавбагу дурну, муний авцIуну махъ хъиншивурт-таятугу, мягьрифатрайн кIура аяву. Даражарттаятугу АллагьначIан ﷻ гьан шаврийн кIура аяву. Чурххал лаззатирттаятугу рухIирал лаззатирттайн кIура аяву. Мигу цири чирча, Аллагь ﷻ акъацери цимурца куллу-шайъ къадиртун, Мунайн кIура авну, Мунайну тирх тIий аьлахълахъаву. Мукун хъувкун, яла миннал чурхру дуниялий инсангуравух бухъурчагу, рухIру АллагьначIа ﷻ Аьршу-р-РахIмандалул лув дикIайссар. Разакъаналлагь.

Инсаннал дакIнища, мазраща, канища ччаннаща, гьарца базулаща ца бунагь хъунсса зад бувккун, къастирай банна тIий буккарчагу, сагъвийну, гьапулну буккарчагу, му ссят мунай ялувссар муния пашман хъуну, кIура авну, тавба дан. Хаснува хъуни бунагьирттаятусса бунагь бувкун, хъиннува нигъа увсун кIура аен ялувссар. Гьарца инсаннал ялув Кирамун-Катибинтал тIий кIия малаик уссар. Ца урчIа хъарай, ца кия хъарай. Ми малаиктал тачIав муная личIи къашайссар. Мунал бувмур, увкумур, хIатта зумату бигълагъисса ссихI чичлачиссар. УрчIамур хъарайманал хъинмур аьмал чичайссар, къумур хъарайманал оьмур аьмал чичайссар. Инсаннал ца бунагь хъунсса зад бувкун, хъинмур чичайманал учайссар оьмур чичайманахъ «Ссавур да, мачичара, тавба дайрив ккакканнин» – куну. Арулла сьятрай ссавур дайссар, муниннин тавба дарча къачичайссар, къадарча – чичайссар.

Му бунагь бувсса инсан баврия хIакъну пашмангу хъуну, махъ къабангу,



байманацIун къаакъингу нийятту дурну кIура аерча, бунагьвагу къабувсса куна марцI шайссар. ХIатта Аллагьнан ﷻ бунагьвагу къабайсса лагънияр, бунагьравунгу агъну, му баврияту хIакъну пашмангу хъуну, Заннаяту ﷻ нигъа увсун, марцIну тавба дайма хъиннува ххирассар. Мунал пашман хъуну буллалисса цIуру-кIурулул чIунияр Аллагьу Тааьланан ххирасса чIу бакъассар.

Мукун бухъувкун, гьарца инсаннал лайкъссар бунагьвагу къабарчагу, гьарца сьятраву тавба-истихфар чIявуну баву. Цанма къакIулсса Аллагьнан ﷻ кIулссагу бикIайссар бунагьру. Гьарца чIумал дуллан къахъурча, гьарца чакличIавагу даван аьркинссар. Мукунгу къадарча, хъхъу-къини кIийлла, цал кIюрххил, цал кунниятлай данссар, дурагу къадуллай къабучIиссар. Мукунгу къадулларча – му залимтураяттури, Аллагьу Тааьлагу оьвтIий унутIий муьминтурайн, тавба дара тIий, Цалва цIимилунгу мусттахIакъ хъуну, аьзабраттугу ххассал хъуну, пайдалул хъуминнаяттугу хъун. ХIатта Расулуллагьнал ﷺ цавагу бунагь цалва къабайнугу, къинилий ттуршийлла тавба дуллай ивкIссар мунил ххирашиврул цIаний. Бунагьвагу къабайсса Расулуллагь ﷻ мукун тавба-истигьфарданийн лазимну (даим хъанай) ивкIукун, бунагьру буллайнмасса жува дуллайнма бикIан ялуври.

Тавба данхъуви, кIура аенхъува тIий, бунагьру буллай, тавба къадуллай оьрму гьан буллалаву – фасикъшивури. Нажагь

хар-хавар бакъа тавбагу дан къархъуну, ивкIуну лагайссар.

Му тавба дурмагу, мугу зия дурну ялагу аьсившиврувун агьарча, ялагу тавба дан ялувссар. Ялагу барча, ялагу ялувссар бунагь буттари дуллан. Тавба даврил ци бави, муний ацIан къашайхха тIий, тавба къамул къаданссар, аьфву къабанссар тIий, Заннал ﷻ цIимилуя, аьфвулия хъул къувкъуну, бунагьру буллай, тавбарду къадуллай, оьрму гьан бан къабучIиссар. Бунагь буттари, тавба дуллан ялувссар, къамул дайма Аллагьри ﷻ. ХIатта, рухIирачIа дурсса тавбагу къамул дайссар, къакъарттуйн рухI дияннин.

Амма бусса оьрмулий аьсивну оьну оьккисса, оьсса аьмал буллай ивкIун, чIявусса хъунисса, хъун бунагьру буллайнма оьрмугу гьан бувну, хъинми аьмаллугу дирив къакIулну, цавагу къабуллай ивкIун, ахирданийн ивчIайшиву мягьлум хъуну рухI дуллан ивкIукун тавба даврил му къамул дайшиву къакIулли.

Мукунма, тавба данссарча тIий бунагьру баву, яла бачIа, мазрал истигьфар бавай, ялагу, ттигу тавба давича куну мува бунагьрайн кIурааллайна оьрму гьан буллалаву – Аллагь ﷻ хъяврив уллалавури. Мукун дурсса тавба-истигьфарданиятугуа цамур марцъсса тавба-истигьфар дан ялувссар, гукун дурсса тавбалийну бунагьралун агьлайтIий.

НасихIатуль-аьвам («ГьунчIукъатIан»)

## Рагъаибрал хъхъу (Лайлату-р-рагъаиб)

**Ражаб зурул цалчинмур нюжмар хъхъу – МухIаммад Идавсил ﷺ нитти-буттал магьар бивхъусса хъхъу хъанахъиссар. Му хъхъунин «Лайлату-р-рагъаиб» учайссар. «Рагъаиб» тIисса мукъул мягна – Аллагьнал ﷻ цимилин ва рахIмулин хъул бишаву, ва дуаь къамул даву тIиссар. Му хъхъуниву ва къинилува чIярусса жунна къакIулсса хIикматшивурттугу дуссар. Мунияту гьарца бусурманчунан му хъхъу цащава бюхъайсса куццуй эбадат дуллай, бунагьирттая тавба дуллай, ливчIсса чакру хъирив лахъан буллай, садакъа буллай, миски-гьаривнан кумаг буллай, оьрчIру-кулпат ххари буллай, гьан-маччаминнаха дуаьртту дуллай гьан дурну хъинссар.**

Рагъаибрал хъхъуну маркIачIан чаклил хъирив кIикIира ракааьт дуллай ацIния кIира ракааьт суннатсса чаклил дайссар. Гьарца ракааьтраву «АльхIамрал» хъирив шамийл-ва сура «Аль-Къадр» («Инна анзальнагь»), ацIния кива «аль-

Ихлас» («Кьулгьу») буккайссар.

АцIния кирагу ракааьт дуркун, 70-лла салават дуккайссар: «Аллагьумма салли аьла сайидина Мухаммадининнабийшиль уммийи ва аьла алигьи».

Яла сужда бувну, сужда-

луву 70-лла ва дуаь дуккайссар: «СуббухIун къуддус раббуль малаикати ва-р-рухI». Яла суждалия ивзун, никирттай щяивкIун 70-лла учайссар: «Раббигьфир ва-рхIам ва тажаваз аьмма тагьлам. Иннака анталь ааьзул акрам». Яла кIилчингу сужда бувну, 70-лла цалчинмур суждалий дуркусса куннасса дуаь дуккайссар. Яла никирттай щяивкIун дуаь дурну вилла мюхтажшиву дусса зад Аллагьу Тааьланахъ чIа учайссар.

Ца чIумал МухIаммад Идавс ﷺ цалва асхIабтурахъ Ражаб зуруй дурсса эбадатрал даражалия буслай ивкIссар. Ца хъунав хъусса инсаннал микку увкуссар, щалва зуруй зума дугъан ттуща къабюхъанссар, куну. Идавсил ﷺ ганахъ увкуссар:

«Ина дугъи зума Ражаб зурул цалчинмур, ацIния ххюйлчинмур ва махъра махъмур къини, вин щалва зуруй зума дургьусаксса чире бикIантIиссар. Цалчинмур нюжмар хъхъугу хъама мадитара». Му хъхъу хъанахъ-иссар Лайлату-р-Рагъаиб.

Му хъхъунил шанма бутIул ца бутIа лавгсса чIумал гьарца ссавруннайсса, духччинийсса циняв малаиктал цацIун хъуну байтуллагьравун Аллагьу Тааьланахъ чIа учайссар Ражаб зуруй зума дургьуса халкъуннал аьпа ба, куну. Аллагьналгу миннал дуаь къамул дурну аьпа байссар.

Ва хъхъу эбадатрай гьан дансса тавфикъ жухъхъунма Аллагьнал ﷻ булуннав, Аллагь ﷻ жуявтуа рязи хъуншиврул. Амин!



# Имам Шамил – Накъшубанди тарикъатрал шайх

Хасавюртуллал районналул имам Казим-хІажи Темирбулатовлул вяъзалува

(дайдихъу хъхъичІмур номерданій)

Имам Шамил Аьрасатнаву усса чІумал гайннал мунаха хъинну хъунмасса хІурмат бувссар. Имамнал увкуссар: «Аллагънайн   хІамд хъуннав оьрус буллусса, ттуй гуж бусса чІумал гайннашчал гъзават бангу, на хъунав хъукун ттуха хІурмат бангу.

АьбурахІман Ас-Сугъуринан вай имамнал махъру цанма бавса чІумал увкуну бур: «Ва имамнал Аллагънайнсса   шукуру 25-ра шинал гъзаватарашал архІал бавІунни» – куну. Аьрасатнал хІукумат дакъасса, цайми ххюра-ряхра хъунисса хІукуматиртталу (Англия, Франция, Италия ва м. ц.) имам Шамиллул генералиссимуснал ца дуллуссар. Дуниаллул тарихраву Имам Шамиллул кунма циняв хІукуматирттал бакІчитурал хІурматшиву дурсса, хъун увсса инсан къаивкІссар. Масалдаран, Имам Турциянавун увкІсса чІумал гайннал хан Аьбдул-Аьзизлул Имам Шамил хъинну хъунмасса хІурмат-адаврай къамул увну ур. Имамнал ганай гужну аьй дурссар кумаг бан махъгу буллуну, къабувнутий. Ца чІумал Турциянал ханнал Шамиллухъ цІувххуну бур: «Я Шамил, ина 25-ра шинай оьруснашчал талай ияв, цукунна ина уттавану ливчІсса? Балики ина дягъвилулу гъуртту къахъанай, муридтал гъан буллай ивкІун ухъурча?» – куну. Микку Имам Шамиллул сси бивзун, цайрасса чухъа лирккун, чурх кІачІа бувну бур. Хан Аьбдул-Аьзиз ганачІан гъан хъуну, чурххай лялату ларайсса шавурду ккалан ивкІун ур. Гай шавурду мукъцІалунни лирчусса диркІун дур. Му чІумал хан хъювсулгу увккун, цува шяикІайсса тахлин кІисса тІивтІуну увкуну бур: «Вин ва кІану лайкъссар!», – куну. Укун чичлай ур шайх Бадрудин-афанди. Имам Шамил Турциянавусса чІумал ганахъ цІувххуну бивкІссар: «Ина яла-яла ссая пашманну ура?» – куну. «На пашманну ура зунттаву ливчІсса вирттараяту, талатавриву цумаца щаллусса аьралуннал багъасса» – жаваб дуллуну дур Имамнал. Ялагу Бадрудин-афанди буслай ур, Имам Шамил Мадиналив увкІсса чІумал, ганал цалчинма-цалчин МухІаммад ИдавсичІан   зиярат бувшиву. Мадиналул халкъуннан му иш кІул хъувкун, гай Идавсил   мизитаравун бавтІун бур цана машгурсса Имам ххал хъуншиврул. Имам пикрирдаву ивкІун ур, салам цалчин шихъхъунни булунтІисса, ттуха бурган бувкІсса халкъуннахъ-хъуннив, ягу МухІаммад ИдавсичІан хъуннив   тІий. Яла Имам Идавсил   гъаттачІан гъан хъуну, аьтІунгу ивкІун увкуну бур: «Ас-саламу аьлайка я Расулаллагъ!». Му чІумал гиккун бавтІсса цинявнан ккакссар Идавсил   гъаттава кагу тІитІин дурну дуллуну жаваб дуллуссар: «Вааьлайкум-с-салам я имамаль мужагъидин» – куну.

Имам Шамил Мадиналив усса чІумал гикку ивкІссар

МухІаммад Идавсил   наслулиясса хъунасса аьлимчу, Накъшубанди тарикъатрал хІакъсса шайх Накъибу-с-Садат. Га чІумал шайх ивкІун ур хъинну хъунав хъуну. Гана цалва оьрчІахъ миннат бувну бур цува Имам Шамиллушчал хъуна акъин аврия. Му занан хъанай акъ-ахъукун, оьрчІал му ИмамначІан иян увну ур. Имам ххал шайхту га никиртайнгу агъну Шамиллул ччаннайн ппай тІун ивкІун ур. Имамнал га гацІана гъаз увсар. Шайхнал бувссар цачІана макІра Идавс   увкІун увкушиву: «Зул дянив хІурмат лавайсса хъамаличу ур. Зу ганал адаб дуруччІара» – куну.

Имам Шамиллул ва дуниял къадиртун дур 1287-ку шинал зул-къаида зурул ацІулчинмур къини. Ганаха жаназалул чак баншиврул инсантал куннал-ку ккучу буллай бивкІун бур. Цинявшагу жаназалийн ка лаян хІарачат буллай бивкІун бур, цайнмагу барачат бияншиврул. Ка лаян къавхъумий аьрщарай утту бишайсса бивкІун бур, цалла ялтту жаназа ларсун гъаншиврул. Шамил увччуну уссар ххирасса Бакъиъ хІатталлив. Жаназа гъаттал чІарав дирхъусса чІумал, га гъаз хъуну гъаттавуунгу урувгун увкуну бур: «Я ттул гъав! Ина ттун нурнугу, тирханнунугу, Алжаннул багънугу хъу! Ина ттун дуржагърал ратІну машара!» Ва иш ккакссса чІявуми кІушлилия лавгун бур. Имам увччуну уссар Идавсил   буттауссу Аьббаслул   чІарав. Га заманнайсса хъунасса аьлимчу муршидун камил АхІмад Рифаэнал цала карунних Шамиллул кІяла зуруй чивчуссар: «Ва гъав Дагъусттаннайтусса шайх Шамил-афандиналли, цувагу АллагъначІан   ивсса муршид, къуния ххюра шинай Аллагънал   ххуллил талай ивкІсса, тІайласса ххуллилх най ивкІсса, хъунасса аьлимчу, муьминтурал амир. Аллагънал   цал дакІ марцІ даннав, хъинсса аьмаллугу чІяву баннав».

Имам Шамиллул оьруснал паччахІнал, Турциянал ханнал, Маккалал шарифнал бувса хІурмат, га увччусса кІану кІул хъукун, чІявусса га къаххирану бивкІсса инсантул тавба дурссар. ХІатта ганайн къаршину бивкІсса аьлимтурал цаллагу тавба дурну, цайминнахъгу насихІат бувссар тавба дан, га Аллагънал   лагътурава яла хъинминнавасса ивкІшиву тастгикъ буллай.

Сайфуллагъ-Къадинал ХІасан-афандиначІансса чагъардавасса цанниву чивчуну бур: «Ттул ххирасса уссу! Ина щак бакъа дакІ дарцуну икІу динналул асаргу, Исламрал нургу лирчІсса так ца Дагъусттаннал аьрщарайри. Цайми кІанттурдавурив так ца ца дакъа лирчІун дакъар. Мунил хъунмур барачатгу, пайдагу ГъазимухІаммадулул ва Шамиллул цІанийри».

**ХІадур бувссар Сайфуллагъ МухІаммадаьлиевлул**

# ХІатталлив зиярат баврил агабру

1   ХІатталлив лагаву арамуран суннат хъанахъиссар. Зиярат бан яла хъинмур ва даража лаваймур чІун хъанахъиссар хамис къини ахттакъун чаклия махъсса чун, нюжмар къини ва ххуллун къини кІюрххицІунмай. Вай гъантри бакъасса, Къурбан-байрам ва Эдуль-ФитІрданул хъхъичІсса гъантрайгу хІатталлив лагаву хъинссар.

Хъамитайпалун махІрам архІал акъа хІатталлив гъан бучІиссар, ласна ягу цама къажимная ихтияргу ларсун, му хІатталу хъамитайпа ялапар хъанахъисса шяраву духъурча. ХІатталу шяраваллил къатІув духъурчарив, гиккун архІал махІрам акъа гъан хІарамссар, мугу идавсил, аьлимчунал, шайхнал, валийнал ягу гъансса инсаннал зияратрайн най бухъурча. МухІаммад Идавсил   хІадисрайн бувну,

Къадари тарикъатрал устазурайн, хаснува ттул устазнайнгу биян бува. Вайннал хІурматрахІуну ва ахІатталлив бувччусса циняв бусурманнайнгу, хаснува на зияратрайн увкІманал рухІирайнгу. АлхІамдулиллагъи раббилъ аьламин. Аллагъумма салли аьла сайидина МухІаммадин ва аьла али сайидина МухІаммадин ва саллим». Яла «БихІурмати сирри суратиль Фатиха» куну «АльхІам» буккайссар. Хъирир Сура «Аль-Бакъаралул» хъхъичІимий ххюва аят, яла «Аятуль-Курсий» буккайссар. Хъирир кІюрххил «Ясин», ахтгайнмай «Аль-Мулк» («Табарак»), ахттакъунмай «Ан-Набаъ» («Аьмма»), маркІачІанмай «Ас-Саждат» ягу «Аль-Вакъиаъ», хъхъувай «Аль-Мулк» («Табарак») буккайссар. Хъирир «Къулгъу», «Фалакъ», «Нас», «Салатуль-Фатиха» бувккуну ларай чирчусса куннасса дуаъ дайссар.



вай шартІру биттур къадурну хІатталлив лавгсса инсаннайн нааьна дияйссар.

Зияратрайн увкІун хІатталлул къапулчІан ивукун, га хІатталлуву бувччуминнахъхъун салам булайссар:

«Ас-саламу аьлайкум дара къавмин муьминин. Ва инна иншаАллагу бикум лахІикъун». Яла «АльхІам» бувккуну, гания хІасул хъусса чири хІатталлив бувччусса циняв бусурманнан булайссар. Яла урчІамур ччан хъхъичІ лавсун хІатталлувун буххайссар. Бувххукун, цІунилгу гава куцуй салам буллуну, «АльхІам» буккайссар. Яла паракъатну цува увкІсса инсаннал гъаттачІан лагайссар. ГаничІан ивукун, бакІрал чулух ацІлавунияр, ччаннацІ авцІуну хъинссар. МухІаммад Идавсил   хІадисрайн бувну, ливтІуминнан жува чІалан бикІайссару, цІугу баяйссар. Мукунсса тагъарданий бавцІуну буккайссар ца «АльхІам», шамма «Къулгъу», «Салатуль-фатиха». Яла дуаъ дайссар: «Я Аллагъ, вай на бувкксса Къуръанналул сурарду Ина къамул бува, вайннуа хІасул хъусса чири хъхъичІва-хъхъичІ МухІаммад Идавсил е рухІирайн биян бува, мукъагу асхІабнал, циняв Накъшубанди, Шазали,

ХІатталува булакисса чІумалгу гивун буххайни буккайсса сурардугу бувккуну, дуаъ дайссар. ХІатталлул къапулчІан бивсса чІумал гъаттардийн лажинну авцІуну саламгу буллуну «АльхІам» буккайссар. ХІатталува буккайссар куямур ччан хъхъичІ лавсун. КъатІув бувккуну цІунилгу хІатталлул чулухунмай кІура бавну саламгу буллуну «АльхІам» буккайссар.

ХІатталлив зияратрайн лагаврия укун чичлай ур цалва луттираву Накъшубанди ва Шазали тарикъатрал шайх, хъунасса аьлимчу Саид-Афанди аль-Чиркави: «Нюжмар къини цалва нитти-буттал гъаттардийн лавгун «Ясин» бувкксса инсаннан га суралуву цими хІарп ва махъ буририв, миксса бунагъру шюшайссар. «Аятуль-Курсий» бувкуну, Аллагънахъ   ганихсса чири га хІатталлуву бувччуминнайн биян баву чІа учирча, гъарца гъаттаву нур духхайссар, гай гъарта шайссар. Мукунма, «Ясин» бувкуну ганихсса чири ливтІуминнан булурча, гайннал гъаттавусса аьзав бигъа шайссар, бувккуманангу га хІатталлив бувччусса инсантурал аьдадрайсса чири чичайссар.

Мудангу адаб дурурччуну бикІан Аллагъу Тааьлалан жунма кумаг баннав. Амин!



### Къуръаннаул аятру янналий чичин бучииссарив?

Янналий Къуръанналувасса аятру чичаву къахъинссар (карагъат). Мукуссса чичру дусса янна лаххан къадагъа дакъассар, щин ялув хъусса инсаннангума (джунуб) . Амма аят чивчусса клану лакъавкъуну хлажатханттувун уххаву хларамссар. («Фатхуль Аъллям»)

### Тгун чйавуну къатлув щяв багъну Къуръанналул аятру чирчусса чагъарду лякъай. На миннун ци бан аьркинссар?

Мукуссса чагъар чара бакъа щяту гъаз бан аьркинссар, га щяв къабитан ягу чирттайсса ккутлаву ливкуну къабитан къабучииссар. Аьркинссар мунийсса чичру щинай шюршюну яла гъан дан, гай щингу нажас дусса, чапалсса кланайн къагъансса куццуй. Бучииссар га чагъар ччуччин, мукунма лах чапалсса кланайн къабагъанну. Къуръанналул аят чивчусса чагъар цукунчав ххябуккан къабучииссар. («аль Буджай-римию»).

### Къуръанналул луттираву арцу дишин бучииссарив?

Къуръанналуву ягу аятру, Аллагънал ﷻ, идавстурал царду чирчусса луттирдаву арцу дишаву хларамссар. («Фатхуль Аъллям»)

### Инсаннал лажиннаравусса ва каруннайсса бурчу ччувчуну, чаклин иссун бюхълай акъахъурча, мунал чак цукун бантииссар?

Мукуссса инсаннал чаклин къаивссуну, таяммумгу къабувну чак бан аьркинссар. Мукун бувсса чак гай щавурду хъин шайхтту хъирив лахъан ялувссар.

### Бучииссарив дукра дукайтту ккарччал дянив лирчймур дюкъан?

Каних ягу ккарччив марци дайсса затрах дуккан дурмур дюкъаву къахинссар, карагъатссар. Мазрах дуккан дурмур дюкъан бучииссар. («Фатхуль Аъллям»)

### Къуръанналул луттирал ялув ци-дунугу дишин бучииссарив?

Къуръанналул ялув цичлав дишаву хларамссар, цамур Къуръан бакъасса. Къуръанналий ччатI, цIу, качар ва м. ц. дишин къабучииссар. Къуръан щяв бишин къабучииссар, чанссавагу гъазну биклан аьркинссар. Къуръан ягу цайми динналул луттирду къюкъин баншивурул миннул ялув ци-дунугу дихълахъима бусурманчувшивуруя лагайссар, чапур шайссар. («аль-Къайлуби»)

### Къиямасса Къинилин вих акъасса инсан цу хъанахъиссар?

Гарца бусурманчув ва бусурмансса хъамитайпа чара бакъа Къиямасса Къини дучантйишиврин вихну биклан аьркинссар. Му Къинилин вих акъа, инкар буллалисса инсан чапуршиврувун (куфру) агълагъиссар. Аллагънал ﷻ жува муния буруччиннав!

### Хъхъурай тIахIни шюршюну къахъиссар тIун биклай. Му тIайлассарив?

Динналул луттирдаву чивчуну бур, тIахIни шюкъаршюну кIюрххилнин къадитаву къахъиншиву, мунил инсанначIан жура-журасса цIуцавуртту ва мискиншиву кIункIу дайнутгий. («Тяълимул мутаъллим»).

### Къиямасса Къини бусурманчувнал ххуйми аьмаллар оьккими ххи хъурча, га Дуржагъраву абадлий иклантйиссарив?

Мухаммад Идавсил ﷺ хIадисраву увкуну бур, Дуржагърава циняв бусурман буккантйишиву, мунал Иман лахкуна чIирисса духъурчагу. Аллагъу Тааълал мукуссса инсан Цалва РахIму-Цимилийну Алжаннавун гъан ангу бюхъайссар.

**Хурмат бусса уссурвал ва ссурвал!  
Зунма цIуххин ччисса,  
ИсламрацIун, ШариатрацIун,  
кулпатрал багъу-бизулуцIун бав-  
хIусса ва м.ц. суаллу гъан бан  
бюхъайссар SMS – райхчIин вай  
номердайн:  
8-928-580-37-89  
8-928-671-99-03.  
e-mail: assamlak@mail.ru**

## ДАГЕСТАНСКИЙ ИСЛАМСКИЙ УНИВЕРСИТЕТ

И

### МЕДРЕСЕ ИМЕНИ ШЕЙХА МУХАММАД-АРИФА

Объявляют прием абитуриентов  
на очередной 2010/11 учебный год



Обучение предназначено для получения целостных знаний о религии и подготовки специалистов со средним и высшим профессиональным религиозным образованием.

#### ПРОДОЛЖИТЕЛЬНОСТЬ ОБУЧЕНИЯ:

- ✓ в Дагестанском исламском университете – 6 лет, включая один год на подготовительном отделении;
- ✓ в медресе – 3 года.

В университет принимаются юноши и девушки, имеющие среднее полное общее образование, в медресе – имеющие основное общее образование.

#### ПЕРЕЧЕНЬ ДОКУМЕНТОВ:

- ✓ нотариальная копия документа об образовании;
- ✓ копия паспорта – 2 шт.;
- ✓ фотокарточки размером 3x4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/у-93;
- ✓ рекомендация от преподавателя религиозного обучения либо от руководителя мечети (имама), расположенной по месту жительства абитуриента.

Прием документов с 1 июня.

Наш адрес: г. Махачкала, ул. Дахадаева, 136  
тел.: 67-55-08

### Бучииссарив къатлуву барачатран устазнал сурат лахъан?

Бучииссар, муния иншаАллагъ, барачатту биклантйиссар. Цанчирча, устаз ккавкукун, Аллагъ ﷻ дакнин агъанйнутгий.

## Рузнама

### Июль

Къини	КIюрххил чак	Баргъ букваву	Ахтгайн чак	Ахтгакъун чак	МаркIачан чак	ХъатIан чак
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Зунттал районнай ахтгакъун чак байссар 10 минутрал чIалну, маркIачан чак – 5 минутрал чIалну.